

შსს სსიპ დაცვის პოლიციის დეპარტამენტი



სატენდერო დოკუმენტაცია

(CPV 32420000 - საქსელო მოწყობილობები)

გამარტივებული ელექტრონული ტენდერი

სახელმწიფო შესყიდვების ერთიან ელექტრონულ სისტემაში (შემდგომში სისტემა) შესყიდვის პროცედურები ხორციელდება საქართველოს კაკონის "სახელმწიფო შესყიდვების შესახებ" და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

ქ. თბილისი

2012 წ.

1. შესყიდვის ობიექტი:

საქსელო მოწყობილობები (იხ. ტექნიკური დავალება)

2. შესყიდვის ობიექტის მიწოდების ვადები:

ხელშეკრულების გაფორმებიდან ერთი თვის ვადაში, კონკრეტული მოთხოვნიდან 10 დღეში

3. შესყიდვის ობიექტის მიწოდების ადგილი:

ს.ს.ი.პ დაცვის პოლიციის დეპარტამენტი, აღმაშენებლის ხეივანი, მე-11 კილომეტრი.

4. ტექნიკური დავალება

დასახელება	ტექნიკური მახასიათებლები	რაოდენობა (ცალი)
პაჩპანელი	24 პორტიანი, RJ45, 19 დუმიანი საკომუნიკაციო კარადაში მონტაჟის საშუალებით.N500.202 სტანდარტის.	10
პაჩკორდი 5 მ	UTP, Cat5E, სიგრძე 500 სანტიმეტრი, დაბოლოებები RJ45 იზოლირებულები.	350
პაჩკორდი 2 მ	UTP, Cat5E, სიგრძე 200 სანტიმეტრი, დაბოლოებები RJ45 იზოლირებულები.	150
პაჩკორდი 0.5 მ	UTP, Cat5E, სიგრძე 50 სანტიმეტრი, დაბოლოებები RJ45 იზოლირებულები.	200
ადაპტერი	USB-COM გადამყვანი, RS-232, სტანდარტული D ტიპის, 9-ე ფეხზე +5ვ	5

4.2 პრეტენდენტი ვალდებულია:

✓ შემსყიდველის მოთხოვნის შემთხვევაში წარმოადგინოს მისი სატენდერო წინადადებით გათვალისწინებული შესყიდვის ობიექტის ნიმუშები ან/ და პასპორტი,საესკიზო ნახაზები, მოდელები (დეტალური ნახაზები გამოყენებული დეტალების აღწერილობით შეტყობინების გაგზავნიდან **არაუმეტეს 3 (სამი) სამუშაო დღეში**. აღნიშნული ნიმუშები არ ექვემდებარება შემდგომ დაზუსტება.

✓ წუნის და დეფექტების აღმოჩენის შემთხვევაში მიმწოდებელი ვალდებულია შეცვალოს წუნდებული საქონელი ერთი კვირის განმავლობაში ახლით. წუნდებული საქონლის აღნიშნულ ვადაში მიუწოდებლობის შემთხვევაში დაიწყება საჯარიმო სანქციების ათვლა.

5. პრეტენდენტის მიერ სისტემაში ასატვირთი დოკუმენტაცია:

5.1 სატენდერო წინადადება უნდა შეიცავდეს მისაწოდებელი ობიექტის ტექნიკური და ხარისხობრივი მონაცემების სრულ აღწერილობას

5.3 პრეტენდენტების მიერ წარმოდგენილი სატენდერო წინადადება ასევე უნდა შეიცავდეს შემდეგ ინფორმაციას: იხ, დანართი 1 და დანართი 2 რომელიც ხელმოწერილი და ბეჭდით დადასტურებული უნდა იქნას შესაბამისი უფლებამოსილი პირის მიერ.

5.4. სატენდერო წინადადებაში საერთო და ერთეულის ფასი უნდა შეიცავდეს როგორც შესყიდვის ობიექტის მიწოდებასთან დაკავშირებულ ყველა ხარჯს, ასევე საქართველოს კანონმდებლობით გათვალისწინებულ ყველა გადასახადს.

5.5. სატენდერო წინადადების ფასი წარმოდგენილი უნდა იყოს მხოლოდ ლარებში.

5.6. სატენდერო წინადადების მოქმედების ვადა არ უნდა იყოს ნაკლები სატენდერო წინადადების მიღების დაწყების თარიღიდან 30 კალენდარული დღისა.

5.7 ტენდერში გამოიყენება სატენდერო წინადადების ელექტრონული გარანტია, რომლის ოდენობა განისაზღვრება განცხადებაში მითითებული სავარაუდო ღირებულების 1%-ის ოდენობით და მისი მოქმედების ვადა უნდა აღემატებოდეს სატენდერო წინადადებების მიღების ვადას 30 კალენდარული დღით.

5.8 პრეტენდენტი ვალდებულია გაეცნოს და დაეთანხმოს აფიდავიტის პირობებს, იხ დაწეროს და ასევე, გადაიხადოს საფასური ერთიანი ელექტრონული სისტემის მეშვეობით.

6. საკვალიფიკაციო მოთხოვნები:

6.1 იურიდიული პირებისათვის:

ა) ამონაწერი სამეწარმეო რეესტრიდან.

6.2 როგორც იურიდიული, ისე ფიზიკური პირებისათვის:

ა) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ.

7. საკვალიფიკაციო მონაცემების დამადასტურებელი დოკუმენტები შესაბამისი ორგანოებიდან გაცემული უნდა იყოს 2011 წლის 7 აპრილის სახელმწიფო შესყიდვების სააგენტოს თავმჯდომარის "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" #9 ბრძანების მე-2 მუხლის პირველი პუნქტის "კ" ქვეპუნქტით გათვალისწინებული ეტაპის დაწყების შემდეგ, (ტენდერის გამოცხადების ეტაპი), ხოლო არარეზიდენტი პრეტენდენტის შემთხვევაში საკვალიფიკაციო მონაცემების დამადასტურებელი დოკუმენტები გაცემულ უნდა იყოს წინადადების მიღების ეტაპის დაწყებამდე არაუგვიანეს ოცდაათი კალენდარული დღისა. აღნიშნული დოკუმენტები წარმოდგენილი იყოს შემსყიდველ ორგანიზაციაში შემსყიდველის მოთხოვნიდან არაუმეტეს **3 (სამი)** სამუშაო დღისა. არარეზიდენტმა პრეტენდენტმა შესაბამისი დოკუმენტები უნდა წარმოადგინოს გაცემული თავიანთი ქვეყნის შესაბამისი უფლებამოსილი ორგანოებიდან, რომლებიც თარგმნილი უნდა იყოს ქართულ ენაზე და ნოტარიულად დამოწმებული. საკვალიფიკაციო მონაცემების დამადასტურებელი დოკუმენტები არ ექვემდებარება შემდგომ დაზუსტებას.

8. პრეტენდენტები ვერ გაივლიან შერჩევას თუ მათ მიერ წარმოდგენილი საკვალიფიკაციო მონაცემების დამადასტურებელი დოკუმენტები და/ან სატენდერო წინადადება არ შეესაბამება სატენდერო დოკუმენტაციისა და/ან სატენდერო განცხადების მოთხოვნებს, გარდა იმ შემთხვევისა, როდესაც სატენდერო წინადადება შეიცავს ისეთ უზუსტობებს, რომლის შემდგომი წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე. პრეტენდენტმა აღნიშნული უზუსტობები უნდა წაროადგინოს შემსყიდველის მიერ შეტყობინების გაგზავნიდან არაუმეტეს **3 (სამი)** სამუშაო დღეში.

9. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს სატენდერო კომისია.

10. სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

11. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

12. პრეტენდენტს არ აქვს უფლება წარმოადგინოს ალტერნატიული სატენდერო წინადადება.

13. სატენდერო წინადადება წარმოდგენილი უნდა იყოს ქართულ ენაზე.

14. სახელმწიფო შესყიდვის დაფინანსების წყარო:

ს.ს.ი.პ დაცვის პოლიციის დეპარტამენტის 2012 წლის საკუთარი სახსრები.

15.ანგარიშსწორების პირობები:

ანგარიშსწორება განხორციელდება უნაღდო ანგარიშსწორებით, ლარებში, მიმწოდებლის საბანკო ანგარიშზე, მიღება-ჩაბარების აქტის გაფორმებიდან 10 (ათი) დღის ვადაში. გადახდის წინასწარი მექანიზმი არ გამოიყენება.

დანართი №1

რეკვიზიტები:

პრეტენდენტის იურიდიული ფორმა და დასახელება:
ხელმძღვანელის სახელი და გვარი:
პრეტენდენტის იურიდიული მისამართი:
პრეტენდენტის ფაქტიური მისამართი:
პრეტენდენტის ოფისის/მობილურის ტელეფონის ნომერი:
ელექტრონული მისამართი:
საიდენტიფიკაციო კოდი:
ბანკის დასახელება:
ბანკის კოდი:
საბანკო ანგარიშის ნომერი:
სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

საქონლის დასახელება	საქონლის ძირითადი მახასიათებლები	წარმოშობის ქვეყანა მწარმოებელი ორგანიზაცია, სასაქონლო მარკა	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	5	6	7	8

შენიშვნა: ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება ერთეულის ფასს.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

☐ სატენდერო წინადადების ფასი;

☐ სატენდერო წინადადების ფასის გამოთვლის მეთოდი, კოეფიციენტი ან ფორმულა;

☐ სატენდერო წინადადების წარდგენა ან წარდგენისგან თავის შეკავება;

☐ ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;

☐ შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 1951 მუხლის შესაბამისად.

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, დავით აღმაშენებლის ხეივანი, მე-11 კილომეტრი, დაცვის პოლიციის დეპარტამენტი, საკონტაქტო პირი: **თამუნა ომანაძე ტელ: +995 (32) 51 75 06; 877-60-99-55 ელ-ფოსტა:**

tamunaomanadze@gmail.com

სახელმწიფო შესყიდვის ხელშეკრულება №-----

გამარტივებული ელექტრონული ტენდერი

(-----)

SPA11-----

ქ. თბილისი

----- 2012 წელი

1. ხელშეკრულების დამდები მხარეები:

საქართველოს შინაგან საქმეთა სამინისტროს ს.ს.ი.პ. დაცვის პოლიციის დეპარტამენტი, შემდგომში „შემსყიდველი“, წარმოდგენილი მისი თავმჯდომარის მოადგილის მიხეილ ახვლედიანის სახით და

(მიმწოდებელი), შემდგომში „მიმწოდებელი“, წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

2. ხელშეკრულების საგანი

შსს ს.ს.ი.პ. დაცვის პოლიციის დეპარტამენტის მიერ გამარტივებული ელექტრონული ტენდერის მეშვეობით ----- შესყიდვა (დანართი1-ის მიხედვით).

3. ხელშეკრულების ღირებულება

3.1 ხელშეკრულების ღირებულებაა ----- (-----) ლარი და 00 თეთრი.

3.2 ხელშეკრულების ღირებულება მოიცავს, როგორც მისაწოდებელი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3 შესყიდვა ხორციელდება ს.ს.ი.პ. დაცვის პოლიციის დეპარტამენტის 2012 წლის საკუთარი სახსრებით.

4. მხარეთა უფლება-მოვალეობები

4.1 მიმწოდებელი ვალდებულია:

ა) წინამდებარე ხელშეკრულებით გათვალისწინებული საქონლის მიწოდება განხორციელოს ხელშეკრულების გაფორმებიდან ----- დღის ვადაში,

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

გ) მიწოდების მიმდინარეობის პროცესი უზრუნველყოს შესაბამისი რესურსით;

დ) ხელი შეუწყოს შემსყიდველს ინსპექტირების განხორციელებისას;

ე) უზრუნველყოს ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს საქონლის მიწოდების ინსპექტირება და დადებითი შეფასების შემთხვევაში მისი მიღება;

ბ) უზრუნველყოს ხელშეკრულებით გათვალისწინებული სხვა ვალდებულებების განხორციელება.

5. საქონლის ხარისხი

5.1 მიწოდებული საქონლის ხარისხი უნდა იყოს მაღალი, შეესაბამებოდეს მოთხოვნებს და ექვემდებარებოდეს სახელმწიფოში არსებულ სტანდარტებს.

6. ხელშეკრულების შესრულების კონტროლი

6.1 შემსყიდველს უფლება აქვს ხელშეკრულების შესრულების ნებისმიერ ეტაპზე განხორციელოს კონტროლი მიმწოდებლის მიერ ნაკისრი ვალდებულებების შესრულებაზე, მათ შორის საქონლის ხარისხის კონტროლი.

6.2 შემსყიდველი უფლებამოსილია განხორციელოს ინსპექტირება ხელშეკრულების შესრულებაზე, რისთვისაც გამოყოფს უფლებამოსილ პირს, გაყოფილებას: ს.ს.ი.პ. დაცვის პოლიციის დეპარტამენტის საფინანსო-სამეურნეო უზრუნველყოფის სამმართველოს სახელმწიფო შესყიდვებისა და მატერიალური რესურსების მართვის სამსახურის შესყიდვების ქვეგანყოფილება.

6.3 შემსყიდველის შესაბამისი წარმომადგენელი (წარმომადგენლები) უფლებამოსილია ჩაატაროს ხარისხის კონტროლი და თუ აღმოჩნდება მიწოდებული საქონელი უხარისხო, მიმწოდებელი ვალდებულია შემსყიდველის წერილობითი შეტყობინებით დადგენილ ვადაში შემსყიდველს მიაწოდოს ხარისხიანი საქონელი ან თუ მიმწოდებელი ვერ შეძლებს ხარისხიანი საქონლის მიწოდებას და შემსყიდველს გადახდილი აქვს ამ უხარისხო საქონლის ღირებულება, მიმწოდებელი ვალდებულია მოახდინოს აღნიშნული უხარისხო საქონლის ღირებულების დაბრუნება.

6.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა მომსახურების პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

7. საქონლის მიღება-ჩაბარების წესი

7.1 მიწოდებული საქონლის, მათ შორის ეტაპობრივის, მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით.

7.2 საქონლის მიღებას აწარმოებს ს.ს.ი.პ. დაცვის პოლიციის დეპარტამენტის ს.ს.ი.პ. დაცვის პოლიციის დეპარტამენტის საფინანსო-სამეურნეო უზრუნველყოფის სამმართველოს სახელმწიფო შესყიდვებისა და მატერიალური რესურსების მართვის სამსახურის შესყიდვების ქვეგანყოფილება.

7.3 თუ მიღება-ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიწოდების ვადის გადაცილებად.

8. ანგარიშსწორება

8.1 ანგარიშსწორების ვალუტა – ლარი.

8.2 ანგარიშსწორების ფორმა – უნადლო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.3 შემსყიდველი იღებს ვალდებულებას ანგარიშსწორება მოახდინოს მიღება-ჩაბარების აქტის გაფორმებიდან და შესაბამისი საგადასახადო ანგარიშ-ფაქტურის წარმოდგენიდან 10 (ათი) დღის განმავლობაში.

8.4 ანგარიშსწორება განხორციელდება ამ მუხლის 8.3 პუნქტით გათვალისწინებულ დოკუმენტების შესაბამისად.

8.5 თუ ანგარიშსწორება უნდა შესრულდეს განსაზღვრულ დღეს და ეს დღე ემთხვევა არასამუშაო დღეს, მაშინ ანგარიშსწორება შესაძლებელია განხორციელდეს მომდევნო სამუშაო დღეს.

9. პასუხისმგებლობა ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულებების შეუსრულებლობის ან არაჯერონად შესრულების შემთხვევაში მხარეებს ეკისრებათ პირგასამტეხლო შეუსრულებელი მომსახურების ღირებულების 0,2%-ის ოდენობით ყოველ გადაგადაცილებულ დღეზე.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადაატარებს ხელშეკრულების ღირებულების **5 (ხუთი)** პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტამდე გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულებაში ცვლილების შეტანა

10.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კოდექსის **398-ე** მუხლით გათვალისწინებული შემთხვევებისა.

10.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1 შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ, მიმწოდებლის მიერ ხელშეკრულების პირობების შეუსრულებლობის შემთხვევაში.

11.2 შემსყიდველსა და მიმწოდებელს შორის ურთიერთ შეთანხმების საფუძველზე, შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.3 შემსყიდველი ხელშეკრულების სრული ან ცალკეული შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე.

12. ფორს-მაჟორი

12.1 მიმწოდებლის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი, გარდა **10.3** პუნქტისა.

12.2 ამ მუხლის მიზნებისთვის “ფორს-მაჟორი” ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ მიმწოდებელი შემსყიდველის მხრიდან არ მიიღებს წერილობით პასუხს, იგი აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

13. დავების გადაწყვეტის წესი

13.1 შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოავგარონ ყველა უთანხმოება და დავა, წარმოქმნილი ხელშეკრულების ან მასთან დაკავშირებული კომპონენტის ირგვლივ.

13.2 თუ მოლაპარაკებების დაწყების დღიდან 30 დღის განმავლობაში შემსყიდველი და მიმწოდებელი ვერ შეძლებენ სადაო საკითხების შეთანხმების მოგვარებას, მხარეებს შეუძლიათ დადგენილი წესით მიმართონ სასამართლოს კანონმდებლობით დადგენილი წესის შესაბამისად.

14. ინტერესთა კონფლიქტი

შემსყიდველის მხრიდან ხელშეკრულებაზე ხელმოწერი პირი “სახელმწიფო შესყიდვების შესახებ” საქართველოს კანონის მე-8 მუხლის შესაბამისად წინამდებარე ხელშეკრულებაზე ხელმოწერით ადასტურებს, რომ მისი მონაწილეობა აღნიშნულ შესყიდვაში არ იწვევს ინტერესთა კონფლიქტს.

15. დამატებითი პირობები.

15.1 წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად ქართულ ენაზე და ინახება ერთი “შემსყიდველთან” და ერთი “მიმწოდებელთან”.

15.2 წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

16. ხელშეკრულების მოქმედების ვადა

16.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2012 წლის — ————— ჩათვლით.

17. მხარეთა რეკვიზიტები:

ს.ს.ი.პ. დაცვის პოლიციის დეპარტამენტი

მიმწოდებელი

თავმჯდომარის მოადგილე

დირექტორი

მიხეილ ახვლედიანი